

**VUOSIMÖÖTTIPROTOKOLLA  
AVIOVAARAN ALKUPERÄSKANSOITTEN REGIUUNIRAATI 28.05.10**

**Mööttipaikka:** Jergul Ástu  
**Mööttiaika:** Tiistai 28.maikuuta 2010 kl 10.00.

**Paikala:**

Kautokeinin komuuni:  
Toinen sananjohtaja Jan Ole Buljo  
Representantti Leif Isak Nilut  
Raatimies Odd Keskitalo

Porsangin komuuni:  
Toinen sananjohtaja Kåre Olli  
Representantti John Turi  
Raatimies Gunnar Lillebo

Kaarasjoven komuuni:  
Representantti Máret Sara  
Toinen representantti Terje Tretnes  
Raatimies Hilda Vuolab

Lisäksi paikala oli sekretariaatin johtaja Leif Halonen

**Asia 01/10: Avvaaminen**

Styryrijohtaja ei ollu paikala ja niinpä Jan Ole Buljo avasi möötin ja toimitti nimenhuuvon. Heräsi kysymys jos representantti Terje Tretnes saa osalistua möötissa sananajohtajan Kjell Sætherin eestä, ko hän oon jo toinen representantti Máret Saran eestä. Vuosimöötti päätti kuitenkin, ette hän saa osalistua mööthiin Kaarasjoven eestä.

Kåre Ollin valithiin möötin johtajaksi ja Leif Halosen valithiin kirjottamhaan protokollan. Kåre Olli ja Máret Sara kirjoitethaan alle protokollan.

Kåre Olli alko johtamhaan mööttiä.

Kelhään ei ollu mithään sanomista kokhoonkuttumispreivhiin ja möötti alotethiin.

Asialista hyväksythiin seuraavasti:

01/10 Avvaaminen

- nimenhuuto
- otethaan oorninki eli järjestythään
- hyväksythään asialista

02/10 Vuosimellinki 2009, mikä oon yhtheistyöaloitten raportti

1. ökonomia, agresso, palkat
2. e-phorte (asioitten hallitemissysteemi)
3. lapsittensuojelu
4. prošekti Lapsittensuojelu saamenkielisissä komuuneissa
5. prošekti Aviovaaran alan puunnitten eli maanviljojitten maholisuuvet kehittyä

- 03/10 Raharätingit
- 04/10 Budjetti
- 05/10 Yhtheinen IT-palvelus (yhtheinen serveri ja domeeni)
- 06/10 Skootteritie Suomen rajalta Kaarasjokheen ja etheenpäin kiini Lemmijokheen saakka
- 07/10 Staatin työ ympäristönsuojelun etheen ja muu suojelutyö Aviovaaran alala
- 08/10 Alkuprošekti ”Barmarkkjøring i Finnmark 2010”
- 09a/10 Kunka ruuttapiili kulkkee Finnmarkussa
- 09b/10 Märkäaloitten suojelu Finnmarkussa

**Asia 02/10: Vuosimellinki 2009, mikä oon yhtheistyöaloitten raportti**

1. ökonomia, agresso, palkat
2. e-phorte (asioitten hallitemissysteemi)
3. lapsittensuojelu
4. prošekti: Lapsittensuojelu saamenkielisissä komuuneissa
5. prošekti: Aviovaaran alan puunnitten eli maanviljojitten maholisuuvet kehittyä

Pitkän praatauksen jälkheen päätethiin, ette kuorathan tätä Máret Saran ehotusta: Aviovaaran alkuperäiskansoitten regiuuniraatin vuosimöötti lähättää kaikki vuosimööttiasiat takasin styyrile. Vuosimöötti tahtoo kans, ette styyri tuo esile työplaanin eli suunnitelman vuele 2010.

Terje Tretnes lisäsi protokolhaan seuraavan:

Styyrin häytyy käsitellä ja esittää vuosimellingin, raharätingin ja budjetin sen mukhaan, mitä styyri itte oon päättäny ja määräny. Toivottavvaa kans oon, ette vuosimellingissä näkky, ketkä istuthaan styyrissä, koska se oon valittu ja kunka pitkäksi aijaksi. Vuosimellingissä olis hyvä tulla esile niitä asioita, mitä styyri ja raati oon käsitelheet vuen aikana.

Möötti loppu kl 12.15 ja sitte syöthiin murkinan.